

1. **KP "SVETI MARKO" a.d. Istočno Novo** Sarajevo, ul. Karađorđeva br. 2, kojeg zastupa direktor Branka Obućina, strukovni inž.mašinstva (u daljem tekstu: Kupac)
ID broj: 4400538910000, porezni broj PDV: 400538910000

i

2. **"PETROL BH OIL COMPANY" d.o.o.**, ul. Tešanjaska br. 24 a, Sarajevo, Sarajevo - Centar kojeg zastupa direktor Bider Uroš (u daljem tekstu: Dobavljač)
ID broj: 4200505350000 , porezni broj PDV: 200505350000

Zaključili su dana 20.03.2018. godine u sjedištu Kupca

UGOVOR **o nabavci goriva**

I - UVODNE ODREDBE

Član 1.

Na osnovu Odluke Kupca br. 01 – 79 / 18 , od 13.02.2018.godine, Kupac je proveo konkurentski zahtjev za nabavku goriva (u daljem tekstu: Roba), te nakon provedene procedure prihvatio ponudu Dobavljača br: 35 / 18 od 01.03.2018.godine.

II - PREDMET UGOVORA

Član 2.

Predmet ovog Ugovora je nabavka Roba, prema prihvaćenoj ponudi Dobavljača i prema zahtjevima Kupca.

III - UGOVORENA CIJENA

Član 3.

Ugovorena cijena za nabavku i isporuku Roba iz člana 2. ovog Ugovora:

Cijena Roba koja su predmet ovog Ugovora bez PDV-a iznosi: 12.426,00 KM
PDV-e na ponuđenu cijenu Roba iznosi: 2.112,42 KM
Cijena roba koje su predmet ovog Ugovora sa PDV-om iznosi: 14.538,42 KM.

Član 4.

Dobavljač odobrava Kupcu popust / knjižno odobrenje **7 %** na sve Robe koje su date u Obrascu cijene ponude. Kupcu se uz fakturu dostavlja popust – knjižno odobrenje na Robe koje su navedene u Obrascu cijene ponude u iznosu od **7 %** na važeću maloprodajnu cijenu, koja će biti nepromjenjiva tokom trajanja Ugovora za robe preuzete na benzinskim pumpama Petrol BH Oil Company.

Član 5.

Ugovorene strane su saglasne da Ugovor realizuju prema definisanim uvjetima u provedenom postupku:

- Kupac prema zahtjevima u tenderskoj dokumentaciji
- Dobavljač prema dostavljenoj ponudi – Obrazac za ponudu cijene

IV - PLAĆANJE

Član 6.

Kupac će plaćanje Robe iz člana 3. ovog Ugovora izabranom Dobavljaču izvršiti **virmanski**, u roku od **30 (trideset)** dana od dana prijema ispostavljene fakture.

Kupcu se uz fakturu dostavlja i specifikacija preuzete Robe, kao i evidencija svake pojedinačne kupovine Robe na benzinskim pumpama Dobavljača.

Kvalitet ugovorene Robe odgovara važećim BAS standardima Odluke o kvalitetu tečnih naftnih goriva (“ Službeni glasnik BiH ”, broj: 27/02,28/04, 16/05, 14/06, 22/07, 101/08, 71/09, 58/10 i 73/10) i Zakona o naftnim derivatima u Federaciji BiH (“ Službene novine Federacije BiH ”, broj: 52/14).

Radnik Dobavljača na benzinskoj pumpi je obavezan, po zahtjevu Kupca, upisati izdate količine ugovorene Robe u interni dokument Kupca (npr. putni nalog,...).

Dobavljač Kupcu izdaje potreban broj Petrol Kartica koje se vežu za registarski broj vozila (neprenosiva kartica), s tim da može biti izdata i na neku drugu oznaku (prenosiva kartica). Svaka petrolova Kartica je zaštićene PIN kodom.

Dobavljač se obavezuje da će nakon stupanja na snagu ovog Ugovora, odnosno dostavljenog spiska vozila u vlasništvu Kupca, isti dostaviti svim benzinskim pumpama Dobavljača na teritoriji Federacije Bosne i Hercegovine i Republike Srpske, gdje se vrši sipanje goriva zbog praćenja troškova za svako vozilo pojedinačno.

V - ROK REALIZACIJE

Član 7.

Dobavljač se obavezuje da će tokom realizacije Ugovora definisanu članom 2. ovog Ugovora vršiti u skladu sa važećim standardima.

VI - UGOVORNA KAZNA

Član 8.

U slučaju kašnjenja u isporuci Roba do kojeg je došlo krivicom odabranog Dobavljača isti će platiti ugovornu kaznu u skladu sa Zakonom o obligacionim odnosima u iznosu od 1% naručene Robe za svaki dan kašnjenja do urednog ispunjenja, s tim da ukupan iznos ugovorene kazne ne može prijeći 10% od ukupno ugovorene vrijednosti robe koja je predmet narudžbe.

Odabrani Dobavljač je dužan platiti ugovorenu kaznu u roku od 7 (sedam) dana od dana prijema zahtjeva za plaćanje od Kupca.

Kupac neće naplatiti ugovorenu kaznu ukoliko je do kašnjenja došlo usljed više sile. Pod višom silom se podrazumjeva slučaj kada ispunjenje obaveza postane nemoguće zbog vanrednih vanjskih događaja na koje izabrani Dobavljač nije mogao uticati niti ih predvideti.

VII - GARANCIJE

Član 9.

Dobavljač garantuje da će isporuka Roba definisana članom 2. ovog Ugovora biti kvalitetna, prema datom Obrascu ponude, i isporučena u roku.

Date reklamacije u trenutku primopredaje Robe, Dobavljač je dužan da uvaži i u najkraćem roku otkloni nedostatke.

Kod eventualnih promjena cijena prije njihove primjene Dobavljač je dužan Kupcu dostaviti kopiju odobrenja izdatog od nadležnog Ministarstva o važećoj cijeni naftnih derivata.

VIII - OSNOVNE OBAVEZE DOBAVLJAČA

Član 10.

Pored obaveza predviđenih važećim propisima, Dobavljač je posebno dužan da isporuku Roba, izvrši stručno i kvalitetno sa važećim standardima, u svemu prema datoj Ponudi.

Član 11.

Dobavljač nije ovlašten da zaključuje podugovore sa drugim licima u cilju realizacije ugovornih obaveza bez prethodnog pismenog odobrenja Kupca.

Član 12.

Dobavljač je dao Izjavu o posjedovanju benzinske pumpe u krugu od 10 km od sjedišta Kupca, a koja se nalazi na adresi Branislava Nušića bb, 71000 Sarajevo, (naselje Dobrinja).

IX - OSNOVNE OBAVEZE KUPCA

Član 13.

Kupac se obavezuje da osigura sredstva za plaćanje, u skladu sa načinom plaćanja iz člana 4. ovog Ugovora.

X - RASKID UGOVORA

Član 14.

Kupac ima pravo raskinuti ovaj Ugovor u slijedećim slučajevima:

- ako Dobavljač ne izvrši ugovorene obaveze iz ovog Ugovora u predviđenom roku, a koje nisu rezultat kašnjenja preuzetih obaveza Kupca,
- ako Dobavljač ne isporuči robu kvaliteta datog u Ponudi i
- ako poslije djelovanja više sile nije moguće nastaviti realizaciju Ugovora.

Ugovor može biti raskinut izjavom Kupca ili Dobavljača u pisanoj formi.

Izjava mora sadržavati razlog raskida Ugovora.

U slučaju raskida Ugovora ugovorene strane su saglasne da ni jedna strana drugoj neće dugovati nikakvo obeštećenje niti nadoknadu i da će u svemu izmiriti međusobne obaveze.

XI - RJEŠAVANJE SPOROVA

Član 15.

Ugovorene strane su saglasne da će eventualne sporove rješavati međusobnim dogovaranjem, u skladu sa dobrim poslovnim običajima.

U slučaju da ugovorene strane ne postignu dogovor o spornim pitanjima, za rješenje spora nadležan je Okružni Privredni sud u Istočnom Sarajevu.

XII - ZAVRŠNE ODREDBE

Član 16.

Ugovorne strane su saglasne da će se na sve što nije regulisano ovim Ugovorom primjenjivati važeće odredbe Zakona o obligacionim odnosima.

Član 17.

Ugovor stupa na snagu danom potpisivanja od strane potpisnika ugovornih strana.

Član 18.

Ovaj Ugovor je sačinjen u 4 /četiri / istovjetnih primjeraka od kojih svakoj ugovornoj strani pripadaju po 2 / dva / primjerka.

Директор

Бранка Обухина
